

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
OPĆINSKI NAČELNIK*

*BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MUNICIPALITY OF BOSANSKA KRUPA
MAYOR OF MUNICIPALITY*



***I Z V J E Š T A J**
o ostvarivanju politike jedinice lokalne samouprave i
radu Općinskog načelnika za 2018. godinu*

Bosanska Krupa, januar 2019. godine

S A D R Ž A J

S A D R Ž A J

1. Uvod	3
2. Aktivnosti općine Bosanska Krupa i općinskog načelnika u 2018. g.	4
3. Budžet i finansije	5
4. Lokalna uprava-općinske službe kao servis građana	5
5. Lokalni ekonomski razvoj i poljoprivreda	7
6. Obrazovanje, sport, kultura, mladi i NVO sektor.....	8
7. Infrastruktura i projekti	12
8. Javnost i transparentnost rada	15
9. Zaključak	16

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
OPĆINSKI NAČELNIK

Na osnovu člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj 10/17) Općinski načelnik općine Bosanska Krupa, Općinskom vijeću podnosi:

I Z V J E Š T A J

o ostvarivanju politike jedinice lokalne samouprave i radu Općinskog načelnika za 2018. godinu

I U V O D

Na osnovu člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09) kojim je određeno: „Načelnik dužan je da redovno informiše vijeće o ostvarivanju politike jedinice lokalne samouprave“...., člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) kojim je određeno: „podnosi izvještaj vijeću o ostvarivanju politike jedinice lokalne samouprave i svom radu,“ ..., i člana 45. tačka 13. Statuta Općine Bosanska Krupa - prečišćen tekst 1 („Službeni glasnik Općine Bosanska Krupa“, broj: 10/17) Programom rada Općinskog načelnika za 2018. godinu i Programa rada Općinskog vijeća za 2018. godinu, a u cilju poštivanja ustavnosti, zakonitosti i javnosti u provođenju općinske politike, načelnik Općine dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova kantonalne uprave.

Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, te Zakon o lokalnoj samoupravi Unsko-sanskog kantona jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost nekoj drugoj vlasti na osnovu Ustava i zakona. U cilju poštivanja ustavnosti, zakonitosti i javnosti u provođenju općinske politike, načelnik Općine Bosanska Krupa dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti. Radom Jedinistvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Rukovođenje Jedinistvenim organom uprave, Općinski načelnik ostvaruje putem šefova službi, koji neposredno rukovode službama za upravu. U izvještajnom periodu aktivnosti Općinskog načelnika i Jedinistvenog općinskog organa uprave Općine Bosanska Krupa bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti

Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo.

AKTIVNOSTI OPĆINE BOSANSKA KRUPA I OPĆINSKOG NAČELNIKA U 2018. GODINI

U toku izvještajnog perioda Općinski načelnik je, u okviru svog djelokruga, obavljao izvršne poslove iz samoupravnog djelokruga općine koji su mu povjereni zakonom, utvrđivao je prijedloge općih akata koje donosi Općinsko vijeće, davao mišljenje o prijedlozima odluka i drugih akata, izvršavao i osiguravao izvršavanje općih akata općinskog vijeća, prostornih i urbanističkih planova te drugih akata Općinskog vijeća, upravljao nekretninama i pokretninama u vlasništvu Općine kao i prihodima i rashodima Općine, utvrdio način godišnjeg budžeta Općine, usmjeravao djelovanje Jedinog općinskog organa uprave u obavljanju poslova iz samoupravnog djelokruga Općine, nadzirao njihov rad, te obavljao i druge poslove u skladu sa zakonom, statutom Općine i aktima Vijeća. Prilikom realizacije programskih zadataka pridržavao sam se Ustava, zakona, Statuta Općine Bosanska Krupa, odluka i stavova Općinskog vijeća Bosanska Krupa.

Polazeći od utvrđenog Programa rada, te od normativnog sadržaja nadležnosti Načelnika kao izvršnog organa, ovaj izvještaj predstavlja pregled aktivnosti koje su se poduzele u 2018. godini. Tačnije, prikazane su glavne aktivnosti u radu Načelnika prema područjima djelovanja i djelokruga izvršnih poslova. Ovaj izvještaj zapravo sadrži samo dio informacija rada općinskog načelnika, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su izvještaju o radu Jedinog općinskog organa uprave Općine Bosanska Krupa i izvještajima koje tokom godine razmatra Općinsko vijeće (izvještaji o izvršenju Budžeta, informacija o realizaciji Strategije općine Bosanska Krupa, izvještaji javnih ustanova i javnih preduzeća). U svim ovim izvještajima i informacijama sadržane su informacije o ostvarenju općinske politike u različitim oblastima.

Načelnik, pomoćnici načelnika, šefovi službi, direktori javnih preduzeća i javnih ustanova, uz dobru saradnju sa općinskim vijećnicima, a svako u okviru svojih nadležnosti, sudjelovali su u izvještajnom periodu u oblikovanju i realizaciji postojećih, ali i nizu novih projekata, a sve u cilju stvaranja boljeg standarda građana. S tim u vezi, doneseno je niz odluka, pokrenuto i realizirano niz projekata, o čemu se više detalja nalazi u nastavku izvještaja.

Ključni ciljevi iz Programa rada Općinskog načelnika za 2018. godinu uspješno realizovani. Izvršeni su i najvažniji zadaci općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima sam se zajedno sa svojim saradnicima, državnim službenicima i zaposlenicima neposredno angažovao.

Osim propisanih i programom utvrđenih zadataka i obaveza, prioritet u radu bilo je kontinuirano djelovanje na unapređenju poslovanja, te što kvalitetnijem i efikasnijem komuniciranju i rješavanju zahtjeva građana. Kroz nadležnosti načelnika u obavljanju poslova iz zakonom određenog samoupravnog djelokruga u nastavku ovog izvještaja daje se pregled izvršenih poslova, a koje se odnose na oblast lokalne uprave, Obrazovanje, sport, kultura, mladi i NVO sektor, Civilno društvo i Kapitalni projekti i infrastruktura.

Aktivnosti Općinskog načelnika i Jedinственог опćинског органа управе Опćине Bosanska Krupa u 2018. godini bile su usmjerene u slijedećим pravcima:

II BUDŽET I FINANSIJE

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet Općine Bosanska Krupa, te kroz njegovu dosljednu i stabilnu realizaciju. Svi budžetski dokumenti su blagovremeno pripremljeni, podneseni i usvojeni. U Općini Bosanska Krupa Budžet za 2018. godinu je usvojen u mjesecu martu 2018. godine. Budžet i izvještaj o izvršenju budžeta su objavljeni i nalaze se na web stranici Općine. Kroz budžet su realizovane i započete aktivnosti na infrastrukturnim projektima, a njegovom realizacijom je obezbijeđeno funkcionisanje organa uprave, zadovoljenje općedruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, poljoprivredi, osnovnim školama, đacima, studentske stipendije, te respektabilna kapitalna ulaganja. Bez obzira na brojne poteškoće, uspjeli smo uskladiti trošenje sredstava sa prilivom prihoda, te redovno izvršavati svoje obaveze, što je rezultat kontinuirane štednje i racionalne potrošnje budžetskih sredstava. I dalje smo nastavili sa posvećivati maksimalnu pažnju budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima. Sve glavne prioritete u rashodima Općina Bosanska Krupa je realizirala. Općinska administracija se kontinuirano pridržava usvojenog Programa mjera štednje, kojim je propisana disciplina u trošenju i savjestan odnos prema budžetskim sredstvima, a i dalje su zastupljene uštede u svim segmentima. Redovno se podnosi i objavljuje detaljan izvještaj o utrošku tekuće budžetske rezerve, što je odraz opće opredijeljenosti da se osigura puna transparentnost utroška budžetskog novca. Realizacija Budžeta Općine Bosanska Krupa za 2018. godinu, u smislu prihoda i rashoda, će biti obuhvaćena izvještajem o izvršenju budžeta za prethodnu godinu, koji će se dostaviti Općinskom vijeću u roku iz člana 90. Zakona o budžetima u Federaciji Bosne i Hercegovine, a koji će sadržavati elemente propisane članom 97. navedenog Zakona.

Općina Bosanska Krupa je u 2018. godini provela 143 postupka javnih nabavki u otvorenim, konkurentskim, direktnim i pregovaračkim postupcima u skladu sa Zakonom o javnim nabavkama BiH („Službeni glasnik BiH”, broj:39/14). Od toga su okončana 119 postupka sa ukupno ugovorenom vrijednosti od 2.970.862,10 KM bez PDV-a.

III LOKALNA UPRAVA – OPĆINSKE SLUŽBE KAO SERVIS GRAĐANA

Općina Bosanska Krupa je krajem 2018. godine imala 95 zaposlena radnika od čega:

- 34 državnih službenika i 61 namještenika,
- 46 muškaraca i 49 žena.

U oblasti ljudskih resursa, može se reći da je stanje zadovoljavajuće. Izvršeni poslovi realizovani su sa postojećim materijalno tehničkim sredstvima. U izvještajnoj godini kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima.

U izvještajnom periodu smo istrajali na kontinuiranim mjerama štednje u potrošnji papira, kancelarijskog materijala, kopiranja i umnožavanja (koje je isključivo u vlastitoj režiji)

i svih drugih sitnih rashoda. Vozni park općine korišten je racionalno i u okvirima predviđene potrošnje.

U izvještajnom periodu smo nastavili sa usavršavanjem već uspostavljene efektivne, efikasne i odgovorne općinske uprave, prilagođene potrebama građana i poslovnih subjekata. Čime je u potpunosti omogućeno građanima i pravnim licima da što efikasnije i jednostavnije ostvaruju svoja prava i izvršavaju svoje obaveze, poboljšali smo protok informacija unutar administracije, te prema građanima i poslovnim subjektima.

U Bosanskoj Krupi je obezbijedeno besplatno pravno savjetovanje iz oblasti građanskih prava. Besplatna pravna pomoć građanima se pruža u zgradi Općine Bosanska Krupa, jednom mjesečno, od 9,00 sati. U svrhu pružanja besplatne pravne pomoći Općina Bosanska Krupa je obezbijedila prostor.

U okviru lokalne uprave, a u skladu sa Programom rada, u izvještajnoj godini, urađeni su i slijedeći poslovi: radilo se na završetku izrade informacionog sistema za praćenje svih projekata na nivou lokalne zajednice, u cilju obezbjeđenja finansijskih sredstava za realizaciju projekata, radilo se na izradi projektnih aplikacija i apliciranje prema međunarodnim organizacijama i donatorima, kroz brojne projekte na nivou BiH, ali i u okviru prekogranične saradnje, radilo se na stvaranju energetske općine, koja će i na tom polju biti u stanju nositi se sa evropskim standardima, kontinuirano se radilo stručnom osposobljavanju i usavršavanju uposlenika, i dalje smo davali punu podršku lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine, radili smo na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd, inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice, nastavili sa održavanjem svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina, u oblasti rekonstrukcije puteva nastavili sa započetim projektima rekonstrukcije puteva, te radili na novim projektima, konstantno se radilo na praćenju stanja priprema za zaštitu i spašavanje od prirodnih i drugih nesreća na području općine i preduzimale pravilne, stručne, efikasne i blagovremene mjere, sa Uredom BHMACE-a kontinuirano se radilo na predlaganju i praćenju projekata deminiranja, tehničkog izviđanja i trajnog obilježavanja rizičnih površina od mina na području općine, vršeno je prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; obavljani su i poslovi: praćenje klimatoloških prilika na području općine (mjerjenje temperaturne vrijednosti zraka, praćenje vodostaja svih rijeka, snježnog pokrivača, praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara); konstantno se koordiniralo i pružala pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća, pratile klimatološke prilike na području općine (mjerjenje temperaturne vrijednosti zraka, praćenje vodostaja svih rijeka, te snježnog pokrivača). Nastavili smo sa realizacijom obaveza utvrđenih Memorandumom o saradnji u projektu PRO-Budućnost. Projekt provodi CRS (Catholic Relief Services) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana. Cilj projekta je izgradnja povjerenja među građanima svih etničkih skupina u Bosni i Hercegovini.

Ključna oblast za općinu je bila i ostala komunalna problematika, kao osnova jedinice lokalne uprave. Održavanje puteva, gradskih ulica i drugih javnih površina obavljalo

se najkvalitetnije, a u skladu sa raspoloživim sredstvima u ljetnom i u zimskom periodu. Napominjemo da je proširena mreža puteva koji su obuhvaćeni ljetnim i zimskim održavanjem. Potpisan je sporazum o održavanju dijela lokalnih i nekategorisanih cesta u sklopu zimske službe sa mjesnim zajednicama u skladu sa Programom zajedničke komunalne potrošnje. toku izvještajnog perioda u prostornoj oblasti obavljali su se poslovi planiranja i uređenja prostora, priprema i provođenje planskih akata, analiza postojeće prostornoplanske dokumentacije i iniciranje njene izmjene, vođenje upravnog postupka u predmetima izdavanja urbanističke saglasnosti, odobrenja za građenje i upotrebu objekata.

U Centru za pružanje usluga u 2018. godini izvršene su 33.351 ovjere potpisa, rukopisa i prijepisa, te autentičnosti rukopisa ili potpisa na punomoći, izdato je 10.394 izvoda, potvrda i uvjerenja iz matičnih evidencija, ukupno je arhivirano 10.790 predmeta, izvršeno je 3.490 elektronskih provjera podataka građana u matičnim knjigama i dr., dostava podnesaka 15.266.

Tokom 2018. godine na području općine Bosanska Krupa obavljeno je 227 vjenčanja. Ukupno je provedeno 78 postupaka odobravanja jednokratne novčane pomoći porodiljama u skladu sa Pravilnikom o visini i načinu isplate jednokratne novčane pomoći porodiljama.

U 2018. godini općinske službe za upravu realizovale su veliki broj poslova i zadataka, a obim i efikasnost u rješavanju zaprimljenih predmeta u upravnom rješavanju će biti prikazan u posebnom izvještaju o radu Jedinostvenog općinskog organa uprave općine Bosanska Krupa za 2018. godinu i bit će razmatran kao posebna tačka dnevnog reda na sjednici Općinskog vijeća.

Kako je Općinski načelnik zajedno sa službama u najvećoj mjeri predlagač akata iz Programa rada Općinskog vijeća Bosanska Krupa, pravovremeno i maksimalno efikasno pripremali smo predmetne materijale. Naravno, osim planiranih aktivnosti u ovom segmentu, Općinsko vijeće razmatralo je i nove normative i druge akte za čijom izradom se ukazala potreba. Osim toga, svi općinski propisi su se redovno usklađivali, na nivou svake službe, sa izmjenama i dopunama zakonske regulative.

Međusobni odnosi Općinskog vijeća većinom su se zasnivali na principima međusobnog uvažavanja i saradnje, mada je ponekad to izostajalo, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj općine. Kroz vlastiti angažman, koordinaciju i usmjeravanje rada službi općinske uprave, drugih organa i komisija, urađen je najveći dio posla i obaveza u izvršavanju odluka i zaključaka Općinskog vijeća.

Uzeli smo aktivno učešće i u radu Saveza općina i gradova FBiH, te nastavili saradnju sa drugim općinama, kako u zemlji tako i u inostranstvu.

IV LOKALNI EKONOMSKI RAZVOJ I POLJOPRIVREDA

U u ovom izvještajnom periodu nastavljene su aktivnosti oko stvaranja što povoljnijeg poslovnog ambijenta, radi ulaganja domaćeg i stranog kapitala na području općine Bosanska Krupa, kao i otvaranja novih radnih mjesta. Naša općina je prepoznatljiva općina po povoljnom poslovnom okruženju, a posebnu pažnju zaslužuje širok spektar pogodnosti koje su omogućene investitorima.

U cilju poboljšanja ekonomskog razvoja općine Bosanska Krupa kontinuirano radimo na iznalaženju potencijalnih investitora koji su spremni ulagati na području naše općine, organiziramo sastanke sa privrednicima, putem Privrednog savjeta, radi otklanjanja prepreka za razvoj privrede i nova zapošljavanja, dajemo finansijsku podršku, promoviramo razvoj poduzetništva i obrta, aktivno saradujemo sa privatnim sektorom i iznalazimo nove mogućnosti za poboljšanje ambijenta za razvoj poduzetništva, kreiranjem budžeta i programa utroška sredstava težimo da se dio socijalnih izdvajanja pretvori u poduzetničku podršku, dajemo značaj vlastitom učešću poljoprivrednih proizvođača i poduzetnika, pružamo maksimalnu podršku lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi, pružamo podršku postojećim poslovnim djelatnostima i motiviramo potencijalne poduzetnike na što ranije započinjanje novih poslova, u budžetu i programima planiramo podsticaje za razvoj start up biznisa i poljoprivrede radi motivisanja građana za otpočinjanje vlastitog biznisa, gradimo infrastrukturu u poslovnoj zoni, radi ponude zainteresovanim investitorima identificirali smo slobodne lokacije za gradnju, poduzimamo aktivnosti oko izmjene prostorno-planske dokumentacije, kako bi stvorili što povoljnije uslove za razvoj privrede, radimo na realizaciji programa razvoja turizma i korištenja turističkih potencijala, radimo na jačanju veza sa stanovništvom u dijaspori i dr. Također, nastojimo intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijedili egzistenciju sebi i svojoj porodici. . U skladu sa Pravilnikom o vrsti, kriterijima i načinu ostvarivanja prava na novčane podrške za razvoj poljoprivrede iz Budžeta Općine za 2018. godinu provedena je procedura za dodjelu sredstava za sufinansiranje nabavke plastenika (Provedena procedura izbora 18 korisnika, nabavljeno 18 plastenika, na principu sufinansiranja 40% Općina-40% IFAD -20% korisnik, koji su postavljeni u maju mjesecu 2018. godine i u istima je pokrenuta proizvodnja), proizvodnju maline, krastavca i povrća u zatvorenom prostoru i proizvodnju meda. Provedena procedura izbora 20 korisnika, za dodjelu plastenika na principu sufinansiranja 40% općina-40% Muslim Aid -20% korisnik. Zbog zimskog perioda, aktivnosti na okončanju projekta su u toku. U toku 2018. godine urađeni su: Plan proljetne sjetve, Izvještaj o realizaciji plana proljetne sjetve, Izvještaj o žetvi, Plan jesenje sjetve i Izvještaj o realizaciji plana jesenje setve.

Uporno, kontinuirano i svesrdno zalaganje Općine Bosanska Krupa na unapređenju i poboljšanju ambijenta za ulaganja postalo je prepoznatljivo obilježje ove lokalne zajednice.

V OBRAZOVANJE, SPORT, KULTURA, MLADI I NVO SEKTOR

Obrazovanje

U oblasti obrazovanja već osmu godinu zaredom realizujemo projekt stipendiranja svih studenata sa područja naše općine. Za prošlu školsku godinu potpisali smo ugovore sa svim redovnim studentima sa područja naše općine o cjelogodišnjem stipendiranju, a u skladu sa kriterijima za dodjelu stipendija, dodjeljeno je 148 stipendija.

Općina je i u ovoj izvještajnoj godini sufinansirala prijevoz učenika putnika koji pohađaju srednju školu i to: za djecu bez jednog ili oba roditelja, subvencioniranje prijevoza

za sve učenike putnike u visini od 30%, za djecu bez jednog roditelja obezbijedili subvenciju od 50%, a bez oba roditelja prijevoz se finansira u iznosu od 100 %.

Nastavili smo sa realizacijom projekta kupovine i dodjele udžbenika djeci iz socijalno ugroženih porodica. Proteklih godina u budžetu Općine planirana su sredstva za po petnaest kompleta novih knjiga i na taj način je stvoren revolving fond. Svaki učenik koji sačuva knjige i vrati ih naredne školske godine dobija drugi komplet.

U izvještajnom periodu smo radili i na održavanju školskih objekata, podržali sve manifestacije osnovnih škola.

Sport

U Budžetu Općine Bosanska Krupa osigurana su sredstva za rad i sufinansiranje programa različitih sportskih klubova i udruženja, te redovnu djelatnost Sportskog saveza općine. Redovna djelatnost i sportske aktivnosti udruženja iz oblasti sporta (su)finansirane su sredstvima Budžeta za 2018. godinu. Općina Bosanska Krupa kontinuirano prati stanje sportske infrastrukture.

Subvencionirali smo sportske manifestacije, takmičenja i turnire.

Kultura

U oblasti kulture koja obuhvata sve oblike stvaralaštva, prenošenja i očuvanja kulturnih vrijednosti, Općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine Bosanska Krupa.

Uspostavljena je neposredna saradnja sa ustanovama i institucijama kulture u realizaciji utvrđenih i usvojenih projekata i programa, a vršen je i nadzor nad njihovom realizacijom.

I u izvještajnoj godini, kao i u godinama iza nas, na području općine odvijale su se raznovrsne kulturne aktivnosti od kojih ćemo istaći najznačajnije.

Uspješno je realizovan projekat "Bosanska Krupa - grad malih sajmova", organizovani su sajmovi knjiga, organske proizvodnje, ljekobilja i meda, te sajam narodnih rukotvorina. Održan je i peti po redu Novogodišnji sajam. Obilježena je i dječija Nova godina uz druženje s Djeda Mrazom i podjelom novogodišnjih paketića. Kako i nekoliko posljednjih godina organizovan je doček Nove godine na otvorenom.

Kao i svake godine, obilježeni su svi značajni datumi: Dan nezavisnosti BiH, Dan IDČ "Faraoni", Dan Armije R BiH, Dan otpora agresiji na općinu Bosanska Krupa, Dan oslobođenja Kobiljnaka, Dan prve zakletve TO, Dan Patriotske lige BiH, Godišnjica pogibije komandanta Mirsada Crnkića, Bitka za Osmaču, Dan oslobođenja Čojluka, Dan genocida u Srebrenici, Obilježavanje bitke za Crkvinu, Dan 511. Slavne bbr., Dan šehida, Dan oslobođenja Bosanske Krupe, Dan slamanja ofanzive na Plavno i Joju, Dan uspostavljanja mostobrana Ostružnica, te Dan državnosti BiH. U okviru septembarskih dana slobode održane su i radničke sportske igre.

Održana je 48. Likovna kolonija Krušnica, općinska smotra znanja i sposobnosti, 24. Književni susreti „Stazama djetinjstva“ Bosanska Krupa, memorijalni turniri Čojluk, Mirsad Crnkić i Crkvina. I u 2018. godini Općina je uzela znatno učešće međunarodne Una regate. Održani su i Unski lađari na jednom visokom nivou i uz veliki broj učesnika i posjetilaca.

Na svečan i dostojanstven način obilježeni su septembarski dani slobode i 17. septembar - Dan općine Bosanska Krupa. Proslava godišnjice od formiranja 511. slavne bbr. je održana uz prisustvo velikog broja boraca i građana.

Upriličena je i deveta po redu „Večer sevdaha“, također je održana i 11. Regionalna smotra horskog stvaralaštva i 11. Regionalna smotra folklornog stvaralaštva, uz znatan angažman nosioca projekta KUD „Grmeč“ kao i Međunarodni festival folkloru u Bosanskoj Otoci uz KUD „Mladost“.

Sredstvima Budžeta Općine Bosanska Krupa za 2018. godinu (su)finansirani su programi institucija i udruženja iz oblasti kulture i to:

- KUD „Grmeč“ Bosanska Krupa,
- KUD „Mladost“ Bosanska Otoka,
- KUD „Stari grad“ Bosanska Krupa,
- KUD „Jezerki“ Jezerski,
- JU „Centar za kulturu, obrazovanje i informisanje“ Bosanska Krupa.

Mladi

Nastavili smo sa realizacijom programa Omladinska banka, potpisan Sporazum o saradnji i Deklaracija Mreže omladinskih banaka u okviru programa „Omladinska banka BiH“. Po okončanom Pozivu Omladinske banke Bosanska Krupa za podršku projektima neformalnih grupa mladih potpisani su Ugovori sa 19 neformalnih grupa. Od ukupno 19 odobrenih projekata, 18 neformalnih grupa je uspješno realiziralo svoje projekte, dok je jedna neformalna grupa odustala od projekta, a dodijeljena sredstva su vraćena. Ukupna vrijednost projekata je 39.450,35 KM, od kojih je Općina Bosanska Krupa izdvojila 13.608,21 KM, a Fondacija Mozaik 9.072,14 KM, dok je doprinos neformalnih grupa iznosio 16.770,00 KM.

Također smo nastavili sa realizacijom Sporazuma za realizaciju programa omladinskih start-up biznisa potpisanim sa Insitutom za razvoj mladih KULT. Međutim, tri puta smo raspisivali javne pozive za finansiranje najboljeg omladinskog start up biznisa. Samo po jednom Javnom pozivu je zaprimljena prijava od koje je kandidat naknadno odustao.

Ovaj program ima za cilj poboljšanje i jačanje mehanizma podrške omladinskom preduzetništvu u lokalnoj zajednici, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima. Ideja koja se prijavljivala morala se obraditi kao biznis plan u bilo kojoj djelatnosti osim trgovine i ugostiteljstva, izuzev originalnih ideja vezanih za turizam i domaće proizvode, pod uslovom da se realizuje na području općine Bosanska Krupa.

Već dvanaestu godinu zaredom sa Udruženjem Infohouse se realizuje projekt Volontiraj-kreditiraj čiji cilj je da se svake godine pruži prilika mladima da u radnoj sredini steknu nova iskustva koja će biti od praktičnog značaja u njihovoj profesionalnoj budućnosti, zarade novac i odluče o raspodjeli sredstava s ciljem razvijanja odgovornosti i brige za

druge. Općina Bosanska Krupa je i ove godine u Jedinostveni općinski organ uprave primila tri učenika.

U izvještajnoj godini iz Budžeta Općine sufinansirani su i projekti/programi za mlade. Podržane su sve manifestacije koje su organizovali mladi, a održana je i tradicionalna Maturijada za srednjoškolace.

Iz Budžeta Općine tokom izvještajne godine subvencionirali smo prijem volontera u javna preduzeća i javne ustanove.

NVO sektor

Projekte, programe, te rad Udruženja roditelja djece sa posebnim potrebama „Ada“ Bosanska Krupa, Udruženja Reis „Džemaludin Čaušević, Udruženje „Aktiv žena“ Otoka, Udruženje „Vakat“ Jezerski, Udruženje dijabetičara Bosanska Krupa, Udruženje pčelara „Lipa“, Udruženje planinarsko društvo „Grmeč“, humanitarna udruženja i Crveni križ, kao i drugih nevladinih organizacija smo sufinansirali iz Budžeta Općine.

Podržane su sve manifestacije koje su organizovali nevladina udruženja.

Penzioneri

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima kao pripadnicima najugroženije kategorije stanovništva u općini, iz sredstava Budžeta Općine Bosanska Krupa za 2018. godinu, kao i prošle godine, socijalno ugroženim penzionerima tokom čitave godine dodjeljivana su sredstva za jednokratne pomoći za nabavku ogrjeva, prehrane i drugih nužnih potreba. Pored navedenog finansijski je potpomognut rad i aktivnosti ovog Udruženja.

Boračka populacija u konceptu lokalne samouprave

U oblasti dopunskih prava branilaca i članova njihovih porodica u skladu sa općinskom Odlukom o pravu na oslobađanje od obaveze plaćanja taksa i naknada za braniocce i članove njihovih porodica tokom 2018. godine rješavani su zahtjevi za oslobađanje od obaveze plaćanja naknade za uređenje gradskog građevinskog zemljišta, naknade iz osnova prirodnih pogodnosti (renta) i naknade za dodijeljeno gradsko građevinsko zemljište branilaca i članova njihovih porodica i drugim zahtjevima ukupno 25 zahtjeva. Odluka o općinskim administrativnim taksama je u potpunosti primjenjena na ove kategorije. U izvještajnom periodu radili smo na održavanju šehidskih spomen obilježja, spomen sobe, šehitluka. U cilju olakšanja rada boračkih udruženja obezbijedeno je korištenje općinskih prostorija bez naknade. Obezbijedena su nužna sredstva:

- za funkcionisanje boračkih udruženja,
- za rješavanje stambenih potreba najugroženijih,
- za jednokratne pomoći.

Osim navedenog subvencionirali smo sve manifestacije, te programe iz ove oblasti.

VI INFRASTRUKTURA PROJEKTI

Investiciona ulaganja na području općine u prošloj godini bazirana su na sredstvima općinskog Budžeta, sredstvima federalne i malim dijelom kantonalne vlasti.

Pregled najvažnijih realiziranih kapitalnih projekata u 2018. godini:

R/b	Projekti	Ukupan iznos ugovora
1.	REKONSTRUKCIJA I ASFALTIRANJE LOKALNIH PUTEVA	1.849.156,33
2.	IZGRADNJA KANALIZACIONOG SISTEMA	112.741,10
3.	IZGRADNJA VODOVODNOG SISTEMA	295.073,40
4.	ŠKOLSKI OBJEKTI	54.226,10
5.	SANACIJA KLIZIŠTA	96.363,39
6.	ODRŽAVANJE DRVENIH MOSTOVA – ZELENI OTOCI	12.247,56
7.	RAZVOJ I UNAPREĐENJE POSLOVNE ZONE PILANA	203.089,10
8.	UREĐENJE POSLOVNE ZONE VATRENI MLIN	101.738,50
9.	IZGRADNJA NOVE JAVNE RASVJETE	6.126,66
10.	SANACIJA DRVENOG PJEŠAČKOG MOSTA	178.605,77
	UKUPNO	2.909.367,91

U donjoj tabeli detaljnije prikazani realizovani projekti

R. br.	Projekti, mjere i redovni poslovi	Veza sa strategijom	Rezultati (u tekućoj godini)	Ukupno realizirana sredstva za tekuću godinu	Utrošena sredstva (tekuća godina)		Budžetski kod i/ili oznaku ekst. izvora
					Budžet JLS	Eksterni izvori	
1.	1.1.1.1. Projekat: Izgradnja infrastrukture poslovnih zona - Pilana (2017-2020)	SC 1 i SEC1.1	Nastavak radova na završetku saobraćajnice	201.109	55.107	146.002	821000 - Kapitalni izdaci/ MEG projekt
2.	1.1.1.5. Vatretni mlin Poslovna zona	SC 1 i SEC1.1	Uklonjeni stari ruševni objekti	101.739	1.739	100.000	Vlada USK Kredit PZ
3.	3.1.1.1. Projekat: Izgradnja sekundarne vodovodne mreže u MZ Jezerski, Mahmić Selo i Pištaline (2017-2020)	SC 3 i SEC3.1	Izgrađen dio sekundarne vodovodne mreže	34.593	4.593	30.000	Budžet općine Kredit
4.	3.1.1.2. Projekat: Izgradnja sekundarne vodovodne mreže u podgrmečkim selima (2017-2020)	SC 3 i SEC3.1	Izgrađen dio sekundarne vodovodne mreže	28.118	13.255	14.863	Budžet općine Vlada FBiH
5.	"Poboljšanje vodosnabdjevanja u općini Bosanska Krupa" – MEG projekt	SC 3 i SEC3.1	Izvođenje radova na prenosu sekundarnog	138.447	76.575	61.872	Kredit PZ UNDP

			cjevovoda i vodovodnih priključaka sa AC na ductilni cjevovod Izvršena nabavka 350 vodomjera na daljinsko očitavanje, 340 RF upravljanih automatskih ventila i 6 zonskih vodomjera.				
6.	3.4.1.2. Regulacija potoka Kalender – faza izgradnja (faza XIV)	SC3/ SEC3.4	Regulisan dio potoka Kalender	83.477	3.477	80.000	Vodne naknade Budžet općine
7.	2.1.1.4. Rekonstrukcija drvenog pješačkog mosta u Bosanskoj Krupi	SC2/ SEC2.1	U toku je izvođenje radova na rekonstrukciji drvenog pješačkog mosta "Mlinovi"	178.606	178.606	0	Kapitalni izdaci
8.	1.2.1.3. Dovršetak izgradnje objekta OŠ Pištaline	SC1/ SEC1.2	Završeni radovi na objektu škole	485.054	35.054	450.000	TIKA org. Budžet općine F BiH Vlada USK
9.	Rekonstrukcija i asfaltiranje lokalne putne mreže		Izvršena rekonstrukcija i asfaltiranje putne mreže u dužini od 16,70 km	2.490.530	1.924.649	565.881	Kreditna sredstva, IFAD, cestovne naknade, naknade od korištenja šuma, lokalno stanovništvo
10.	Rekonstrukcija kanalizacije u ul. Dana nezavisnosti	SC3/ SEC3.4	Izvršena rekonstrukcija kanalizacionog kolektora u dužini od 220,00 m	29.264	0	29.264	Ekološke naknade
11.	Nabavka i isporuka vodovodnog materijala za proširenje gradske vodovodne mreže – II faza	SC 3 i SEC3.1	Izvršena nabavka vodovodnog materijala	10.517	10.517	0	Kredit PZ
12.	Stabilizacija terena – sanacija klizišta		Klizište ul. Prvomajska, Hodžinac, Vrletnica i Kozarice	90.513	70.513	20.000	F BiH Budžet općine
13.	Izvođenje radova na zamjeni stolarije na objektu područne škole Veliki Badić		Zamjenjena stolarija	13.973	13.973	0	Budžet općine
UKUPNO:			3.885.940	2.388.058	1.497.882		

Ostali poslovi

R.br.	Redovni poslovi ZKP-a	Ukupno planirana sredstva za tekuću godinu (Budžet JLS)
1.	Čišćenje javnih saobraćajnih površina u naseljima	9.336
2.	Zimska služba (redovno održavanje i dio nekateg. cesta)	84.613
3.	Održavanje i uređivanje javnih zelenih površina	69.800
4.	Odvodjenje atmosferskih voda	2.925
5.	Zbrinjavanje pasa lualica	6.208
6.	Održavanje i izgradnja javne rasvjete	258.611
7.	Dekorisanje grada	7.031
8.	Održavanje lokalnih i nekategorisanih puteva	38.264
9.	Saobraćajna signalizacija	5.663
10.	Uklanjanje bespravno izgrađenih objekata	0
11.	Uklanjanje zemlje od bujičnih nanosa nakon obilnih padavina u julu 2018. godine	5.850
	U K U P N O:	488.301

Pored ulaganja u kapitalne projekte ulagali smo i u realizaciju drugih projekata, kao i prižali podršku za realizaciju projekta i to:

R.br.	Naziv	Realiziran iznos
1.	<i>Nabavka vozila za Petu policijsku upravu Bosanska Krupa, Policijska stanica Bosanska Krupa</i>	<i>28.699,98</i>
2.	<i>Projekat ILO</i>	<i>210.000,00</i>
3.	<i>PODRŠKA JKP „10.JULI“</i>	<i>295.000,00</i>
4.	<i>Kupovina imovine firme „Krupatrans“-u stečaju</i>	<i>380.525,00</i>
	<i>UKUPNO</i>	<i>914.224,98</i>

Općina Bosanska Krupa je jedna od 18 općina je odabrana za realizaciju MEG projekta-Projekta općinskog okolišnog i ekonomskog upravljanja. Tokom prve četverogodišnje faze projekta, pruža se podrška organima lokalne vlasti u unapređenju kvaliteta i dostupnosti javnih usluga i infrastrukture za građane, među kojima su i socijalno najugroženije kategorije stanovništva.

Osim toga, planirana je i saradnja sa privatnim sektorom u svrhu podrške otvaranju novih radnih mjesta. U okviru MEG projekta (uspostavljeni i funkcionalni sistemi upravljanja učinkom lokalne uprave, te unaprijeđeni kapaciteti JKP 10. „Juli“ d.o.o. Bosanska Krupa).

Nastavljene su i aktivnosti na ILO projektu, čiji je cilj da podrži samoodržive, partnerski vođene aktivnosti u okvirima tržišta rada na lokalnom nivou, kako bi se povećao pristup formalnom zapošljavanju. Projekt je realiziran prema odobrenom akcionom planu. U okviru planiranih aktivnosti izvršena je nabavka opreme za provođenje praktičnog dijela obuke, proveden je postupak odabira kandidata za I ciklus obuke, pokrenuti postupci za instaliranje centralnog grijanja i ventilacionog sistema u objektu BSC. U mjesecu martu je održana Konferencija „Partnerstvo za zapošljavanje općine Bosanska Krupa doprinosi razvoju radne snage u skladu sa potrebama metalne industrije“, na kojoj su učešće uzeli prestavnici privatnog sektora, Ministarstva obrazovanja USK, MSŠ. Na osnovu zaključaka Konferencije je od strane angažovanih konsultanata urađen Pravilnik o načinu izvođenja praktične nastave u strukovnim školama u USK koji je upućen partnerima na komentar. U mjesecu junu je, nakon potpisivanja ugovora, započeo proces nastave u MSŠ i BSC-u. Tehnički kapaciteti MSŠ za edukaciju i prekvalifikaciju zavarivača povećani su za 30% u odnosu na 2017. godinu. Do kraja 2018. minimalno 80 polaznika uspješno završilo program obuke i steklo zvanje zavarivača.

Također su nastavljene aktivnosti na projektu BFC – recertifikacija, unapređenje poslovnog okruženja i poslovne infrastrukture (ispunjeno 12 kriterija i preko 80 podkriterija).

VII JAVNOST I TRANSPARENTNOST RADA

U radu Općinskog organa uprave kao jedno od značajnih pitanja je i pitanje transparentnosti rada i dostupnosti informacijama građanima, privrednim subjektima i drugim subjektima o pitanjima za koje imaju interes. Isto se ogleda u dosljednoj primjeni Zakona o slobodi pristupu informacijama, učešću javnosti u svim postupcima za koje je zakonom propisano uključivanje javnosti (javni uvid, javne rasprave, i sl.), provođenje anketa, primjedbe, prijedlozi i mišljenja.

Stepen ostvarene demokratičnosti u jednoj zajednici mjeri se, između ostalog, i učešćem građana u procesu donošenja odluka koje su od općeg interesa. Kako bismo osigurali osnovne pretpostavke za uključivanje građana u ove procese, trudili smo se u proteklom periodu da kontinuirano izvještavamo o svim aktivnostima općinskog organa uprave, a uspostavljali smo i alate dvosmjerne komunikacije kako bi se čuo glas građana. Naš cilj je od građana dobiti povratne informacije. Stoga, građane pozivamo da putem alata komuniciranja (društvene mreže, web-stranica Općine, kutija za komentare i žalbe u prijemnoj kancelariji itd.) iskažu svoje mišljenje, sugestiju, kritiku ili primjedbu koja se odnosi na rad općinskih službenika.

Službena web-stranica je redovno ažurirana, redovno se na adrese pedesetak najznačajnijih medijskih kuća i novinara šalju informacije iz Općine, svakodnevno smo bili na usluzi novinarima i dr.. Sve one inicijative, sugestije, prijave, pohvale i kritike koje su dobronamjerno napisane kako bismo zajedno gradili sigurnije i uređenije okruženje, pratimo, čitamo i bilježimo. Svaka anonimna prijava je zaprimljena i bila je predmet postupanja i intervencije. Svim građanima koji žele ostati anonimni garantiramo anonimnost.

Svakodnevnim aktivnostima omogućili smo građanima da utječu na donošenje ključnih odluka i uopće na kvalitet svog života. Učešće javnosti u postupku izrade i donošenja odluka, planskih i razvojnih dokumenata osigurano je pružanjem uvida u nacрте,

putem javnih rasprava, objavama u sredstvima javnog informisanja, te putem web stranice Općine Bosanska Krupa.

Osim navedenih aktivnosti i koordinacije rukovođenja općinskim službama, općinski načelnik se neposredno angažovao i na rješavanju drugih pitanja iz nadležnosti lokalne zajednice i od značaja za građane, privredne i druge subjekte, te brži razvoj lokalne zajednice u cjelini. Nastavili smo dobru saradnju sa Međunarodnim fondom za poljoprivredni razvoj (IFAD) - Uredom za koordinaciju projekata u poljoprivredi F BiH i Fondacijom za održivi razvoj (OdRaz), Razvojnog, Svjetskog (WB), Evropskom investicionom bankom (EIB), kantonalnim i federalnim ministarstvima.

VIII ZAKLJUČAK

Iako su u ovom izvještajnom periodu urađeni planirani poslovi, kao i mnogo poslova koji su se u toku godine pojavili kao prioritetni, treba naglasiti da se susrećemo sa mnogim problemima u radu, te s toga u narednom periodu očekujem i nadam se većoj saradnji i podršci od strane Općinskog vijeća na realizaciji zajedničkih projekata. Podneseni Izvještaj o radu općinskog načelnika Općine Bosanska Krupa za 2018. godinu sadrži prikaz poslova i zadataka iz nadležnosti Načelnika kao izvršnog organa Općine Bosanska Krupa. Općinski načelnik je uz stručnu, administrativnu i tehničku pomoć službi u Općini Bosanska Krupa, a u okviru finansijskih mogućnosti planiranih Budžetom, u izvještajnom periodu obavljao poslove iz svoje nadležnosti na način koji će osigurati uslove za što kvalitetnije zadovoljavanje lokalnih potreba građana općine Bosanska Krupa, te je stoga u 2018. godini nastojao odgovorno i kvalitetno ispuniti svoju obavezu vođenja izvršnih poslova Općine kao jedinice lokalne samouprave.

Kao i prethodnih godina, Općina Bosanska Krupa će kao jedinica lokalne samouprave biti pokretač aktivnosti u stvaranju i poboljšanju ukupne ekonomske situacije, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora. Općinski načelnik izražava apsolutno opredjeljenje za ubrzanim razvojem općine Bosanska Krupa. U narednom periodu aktivnosti će biti posebno usmjerene na oblasti privrede i socijalne zaštite kao najopterećenijih oblasti preko kojih građani najviše rješavaju svoje životne probleme. Unaprijedit ćemo poslovanje javnih ustanova, kao i njihovo mjesto i ulogu u razvoju lokalne zajednice, a kapacitete javnih preduzeća ćemo razvijati kao značajan općinski potencijal.

Pored planiranih poslova, Općinski načelnik će svoje aktivnosti i dalje usmjeavati i na sva ostala pitanja koja se nametnu kao važna, a sve u cilju da područje općine Bosanska Krupa postane privlačnije za biznis, rad, ali i život i perspektivu stanovništva.

Broj:01/N-05-785/19
Bosanska Krupa, 31.1.2019.godine

OPĆINSKI NAČELNIK
Armin Halitović